



حركة التحرير الوطني الفلسطيني - فتح  
إقليم استراليا



## تمرّة رمضان

العدد رقم 28

### سلطة خيار ولبن

يصنف هذا الطبق من ضمن  
المقبلات والسلطات الباردة :  
مكوناته الأساسية لبن + خيار  
+ ملح + نعنع ناشف + شومر.

### عين كافور

كافور هو اسم عين ماء في الجنة . يفجرونها  
تفجيرا أي يتصرفون فيها حيث شاءوا وأين  
شاءوا من قصورهم ودورهم ومحالهم. ذكرت  
في القرآن الكريم في الآية رقم 5 من سورة  
الإنسان بسم الله الرحمن الرحيم ( إن الأبرار  
يشربون من كأس كان مزاجها كافورا عينا  
يشرب بها عباد الله يفجرونها تفجيرا ) صدق  
الله العظيم

### شنيّة

تسمى أيضاً عيران أو لبن أب أو لبن مخيض  
مكونات هذا المشروب:  
لبن + ماء + ملح





حركة التحرير الوطني الفلسطيني - فتح  
إقليم استراليا



حكاوي

ستي

### جيبلي بطريقك

هاي يا حليلة تعالي يا ستي بدي إياكي تجيبلي شغلة بطريقك إصحي تروحي عالدكان قبل ما أشوفك هذي شغلة ضروري! حاضر يا تينا هو لو إنه شغلة إجت عليكى كان أمر الله بس صارت شغاتي كبيرة بمشوار الدكانة إمي بدها غرض وأخوي بده غرض وكمان أبوي بده غرض والله لو إني مسافرة على ثاني بلد ما عملتوش هيذ الدكانة أول الحارة خمس دقائق كسدرة صار الكل بده منها غرض طيب ما يروح كل واحد لحاله وإلا في هون خدامة بتحبوا تأمروها وتخلوها تجيب الغرض لحضنكم ويا ريت بنخلص إلا هيذ إللي بشترى ما بتعرفي تنقي هياتوا ضحك عليكى الدكنجي كمان مرة روخي بدليها وإلا أقولك رجعيها بالله شو جيبلي بطريقك ما هيش بطريقي وأنا رايحة دوس على دكانة وحدة وبديش أقعد أتحرر بتعجبكم تنقايتي وإلا عمرينها ما عجبتم.

ولّ عليكى زي المزراب بُع بُع قلبك دايماً مليون بتعرفيش يا ستي تحكي حاضر وإللي بدك إياه بصير وتبطلي شوفة الحال، هو إنتي يا حرام رايحة جاية مشاوير عشريني وإيش فيها لما تتناولي كم غرض بطريقك عادي بدل من ألف مشوار واحد بطلع بجيب ألف غرض، شوفي إمك الله يرضى عليها لما تطلع على سوق ليكون بتجيب إغراض إلها لحالها ما هي ما بتخلي غرض إلا بتجيبه بس البيت مثل الشحاذة كل شوية بدو غرض جديد، يعني إنتي بتجيبني من الكوم قشة وبس بعد ما تلعي قلبي كلامك الدفش ويا ريت بتعرفي تشتري، آه تتطلعيش فيي هيذ دايماً بتحبي العلبة الحلوة والشغلة الجديدة تا تجربيها وميت مرة قلتك أنا ما بحب أغير مخي دكة قديمة وبحب الموضة العتيقة بدك تجربى جربي على حالك أنا زهق تجريب والوحدة لازم تبقى عارفة قديش حق الغرض وإذا الدكانة القريبة غالبية شدي حيلة على دكانة ثانية وجيبي الغرض بالسعر إللي بتعرفيه وإلا بتصيري مضحكة سوق وعليكى بضحك كل السوق، ما هو الدكنجي لما يشوفك حملتي الغرض ورجعتيه لأنه سعره عالي لما تيجي عليه مرة ثانية بعرف إنك بتعرفي الأسعار وما بتشتري إلا بالسعر إللي بدك إياه.



الوو معلم اسمعت  
الأم بي سي بدهانت تعطى  
اللقب لعساف شو تعمل؟؟



ولا ممالي اتنا بتسال  
بننا ندرة الام بي سي  
عالي فيعا لو ما اخدا  
ابو العساسيف فالاهم





حركة التحرير الوطني الفلسطيني - فتح  
إقليم استراليا



## خروفية

### أكلة كنفش

روى الراوي خرايف وحكاوي عن الحماة والكنة وقد ما قالوا عن الكنة وكيدها إلا أنه الراوي بقول الحماة دائما بتغلب وما حدش بالكيد مثل الحماة ويا نبال البنت إللي إمها بتقويها وبتسد لها ثارها من جوزها وإمه. وهات نا نحكي عن عادة ويا ما أحى إسمها هالمزبونة بس حكاياتها قلال وحيلتها خفيفة لا بتقتع لا جوز ولا ابن بس عندها إمها بظهرها ودايماً واقفة معاها بالحق إمها معها مثل الغولة وحتى الباطل بتضلها تحن على بنتها، وآه من عادة لما تروح على إمها ودمعتها على خدّها وتقول: يمه حماتي عملت هيذ وهيذ إيش أعمل؟

مرة من المرات إجت إمها وقالت لها بدي أخلي جوز يصير يبوس إجريكي بس لازم تعملي إللي بقولك إياه، جابت إله حية ميتة وقالت لها إطبخيها مع رز وبصل وطعميها لحماتك وأوعى جوز يوكل منها، وبعد كم يوم جابت إلها ذنينين فار وقالت هذول بّدق تطبخين لجوزك ويوكلن لحاله. بعد كم يوم صارت حماتها تحكي جوغانه وجسمي مهودود ومش قادرة إرفع إيدي تا أحط القمة بثمّي، وابنها قاعد جنبها بس ملوش نفس يطعمي إمه، قامت عادة صارت تعبي المعلقة وطعمي حماتها وإلا الختيرة توكل بدي من إيد ابني بس ابنها يقولها: بلاش دلغ وكلي من إيد عادة، وإمه تقول مش قادرة أمضغ القمة بدي إياك تمضغها وتحطها بثمّي، قامت عادة مضغت اللقمة وحطتها بثم حماتها، وضلت هيذ تعمل ثلاث ليالي بأيامهن، وبعديها رجعت الحجة قوية مثل لحصان وصارت تهد وتشد وعلى عادة تسب، إجا ابنها من برّات الدار ولما لقي إمه قاعدة بتبهدل بغادة قالها: طيب اتذكرني إنها كانت بتمضغك لقماتك وإنتي مريضة بس الحجة ضلت تبهدل فيه وتقول له أنا ما مرضت إلا من طبيخها وابنها يرد عليها ما طبيتي إلا من طبيخها يا إمي إللي بده يعد بعيد لميحة والعاطلة بصيرش هيذ.

وبعد كم يوم إجت إمها لغادة ومعاها تحويجة جديدة وأخرى دورة انهدت حماة عادة وصارت عادة تحط اللقمة بثمها، وغادة فرحانة أنه جوزها صار يعزها أكثر من إمها ودايماً راضي عليها، بس حماتها لما طابت راحت وجابت أكلة كنفش وعملتها عجة وطعمت ابنها منها ومن بعديها صار ما يشتهي يقرب على عادة مرات يقولها ريحتك طالعة ومرات يقولها بدي أنام لحالي وهيذ وهيذ لصار بده مرا بالتخت بس أكيد مش عادة، راح عند إمه وقالها وجعه ردت عليها: يا بتجيب إله ضرّة وبتموت بحسرتك، وبين يوم وليلة تجوز وصار عريس من جديد وصارت الجديدة على الحضن عنده وعند إمه وغادة تروح عند إمها بدها شغلة جديدة تا ترجع جوزها لحضنها وإمها تقول لها: ساعدت وكنت فوق الريح بس من هبلك وقعتي وهات يرجعك جوزك، إنتي جوزك أكل كنفش يبقى ما بنفع معه لا عمل ولا حجاب بده تبعدي بين أمه وبينه وإذا ضلت إمه بالبيت عمرك ما بترجي لحضنه، راحت عادة وقالت لجوزها ليش ما تبهت إمك تحج يقولها لا تحج ولا تهج وإذا بتجيبي سيرة إمي مرة ثانية على دار أبوكي مرجوعك. صارت عادة محتارة ومش عارفة إيش تعمل راحت سألت إمها قالت إله: كنفش شهر ويوم وبعديها العروسة بتغلط وبتحرد ضلك قاعدة عاقلة وإلا بتروح عليكي، وعند بعد شهر ويوم صارت طوشة وقامت الدنيا وقعدت والعروسة راحت على دار أبوها حردانة، والغادة ضلت أوضيتها ولا كأنه في إشي وبعد أسبوع إجاها جوزها وقالها عبالني نسهر سوى إنتي حبي الأولي، قالت بسرها: الحمد لله أنا حب عنجد مش من أكلة كنفش.



حركة التحرير الوطني الفلسطيني - فتح  
إقليم استراليا



### كتاب المنهجية القانونية

المؤلف: الدكتور جهاد الكسواني والدكتور أحمد الرفاعي.  
صدر عن دار الشروق للنشر .

صدر

حديثا

## فراشات فلسطين

الاسم العلمي

**Carcharodus Orientalis**

كارجورودس أورينتائيز

